

# Nioqqutissanik eqqussuinermi akitsuutit pillugit Inatsisartut inatsisaat

## Kapitali 1

### *Nioqqutissat akitsuutaat*

§ 1. Akitsuuteqarfiusumut nioqqutissanik eqqussuinermi, takuuk nioqqutissanik eqqussuineq annissuinerlu pillugit Inatsisartut inatsisaat nr. 18, 30. oktober 1992-imeersumi § 6, landskassemut nakkartussanik makku akitsuutaassapput:

Nr. 1. Sukkunik nioqqutissiat suulluunniit, tamatumani ilaallutik sirup aamma glukose kg.-mut 5 kr. 31 øre,

Nr. 2. Sukkulaatit sukkulaatinillu nioqqutissiat suulluunniit (cacao pinnagit), lakridsit lakridsinillu nioqqutissiat suulluunniit, marcipanit marcipaninillu nioqqutissiat suulluunniit, karamelit, bonbonsit, sukkuuqqat assigisaallu, sukkullit sukkoqanngitsullu kg.-mut 29 kr. 00 øre

Nr. 3. Imigassat ethanolimik akullit ima imallit:

a) 2,25-3,09 volumenpct. literimut ..... 2 kr. 95 øre,

b) 3,10-4,09 volumenpct. literimut ..... 6 kr. 42 øre,

c) 4,10-5,09 volumenpct. literimut ..... 17 kr. 04 øre,

d) 5,10-7,09 volumenpct. literimut ..... 23 kr. 87 øre,

e) 7,10-9,09 volumenpct. literimut ..... 34 kr. 22 øre,

f) 9,10-12,09 volumenpct. literimut ..... 48 kr. 06 øre,

g) 12,10-15,09 volumenpct. literimut .... 65 kr. 84 øre,

h) 15,10-18,09 volumenpct. literimut .... 85 kr. 42 øre

i) 18,10-22,09 volumenpct. literimut ... 109 kr. 56 øre

j) 22,10-26,09 volumenpct. literimut ... 138 kr. 68 øre

k) 26,10-30,09 volumenpct. literimut ... 170 kr. 22 øre,

l) 30,10-35,09 volumenpct. literimut ... 207 kr. 35 øre,

m) 35,10-45,09 volumenpct. literimut ... 267 kr. 17 øre

n) 45,10-60,09 volumenpct. literimut ... 366 kr. 53 øre,

o) 60,10-100,00 volumenpct. literimut .. 436 kr. 92 øre

Nr. 4. Imeruersaatit, sodavandit, limonadet imeruersaatillu kulisyretallit, ethanolimik akoqanngitsut literimut 4 kr. 00 øre

Nr. 5. Imeruersaatiliassat kulisyretallit, imeruersaasionermermi automatini assigisaannilu sanaassiat literimut 28 kr. 80 øre

Nr. 6. Imeruersaatit suulluunniit puui, tamatumani ilaallutik imeruersaatiliassat puui, taamaallaat pinnagit immuinmit nioqqutissiat puui kiisalu puiaasaqqat Kalaallit Nunaanni puiaasaqqanik utertitsisarnikkut

atoqqinneqartartut,

a) 0,25 literi tikillugu imaqarsinnaasoq ataaseq ..... 1 kr. 00 øre

b) 0,25 literi sinnerlugu imaqarsinnaasoq ataaseq ..... 2 kr. 00 øre,

Nr.7. Sikaat, sikaavaqqat cigarellollu,

a) 3 gr. taannalu ataallugu oqimaassusillit ataaseq 0 kr. 74 øre,

b) 3 gr. sinnerlugu oqimaassusillit ataaseq 0 kr. 89 øre

Nr. 8. Sikaritsit ataaseq 1 kr. 27 øre

Nr. 9. Tupat,

a) tupat aggukkat, cut plug, tupat aseqqorissut assigisaallu, kiisalu tupat allat minnerpaamik 1,5 mm-imik silissusillit kg.-mut 280 kr. 01 øre

b) allat kg.-mut 662 kr. 31 øre

Nr. 10. Imusivissat, immertariaannaat ilanngullugit ataaseq 0 kr. 28 øre,

Nr. 11. Kaffit kaffeeqqat kaffiassallu kg.-mut 6 kr. 00 øre,

Nr. 12. Tiit, tiiliassallu allat kg.-mut 6 kr. 60 øre,

Nr. 13. Savat savaaqqallu neqaat taakkunanngalu nioqqutissiat. Nutaat, nillartaartitat, qerititat, tarajortikkat, taratsumi aatsitaniittut, panertut imaluunniit pujuukkat, nioqqutissat allattorsimaffianni 0204.10.00.0-imiit 0204.43.00.0 ilanngullugu allassimasut kiisalu nioqqutissat allattorsimaffianni ukunani inissimasut, 0206.80.99.0, 0206.90.99.0 aamma 0210.90.11.0, 0210.90.19.0 aama 0210.90.60.0 . kg.-mut 25 kr. 00 øre,

Nr. 14. Nersussuit neqaat taakkunanngalu nioqqutissiat,

a) nutaat nillartaartitalluunniit, nioqqutissat allattorsimaffianni kapitali 02,01-imiittut kg.-mut 10 kr. 00 øre.

b) qerititat, nioqqutissat allattorsimaffianni kapitali 02.02-mi allassimasut kiisalu nioqqutissat allattorsimaffianni 0210.20.10.0-imi aamma 0210.20.90.0-imi allassimasut kg.-mut 6 kr. 75 øre,

Nr. 15. Puulukit neqaat taakkunanngalu nioqqutissiat, a) nutaat, nillartaartitat qerititalluunniit, nioqqutissat allattorsimaffianni kapitali 02.03-mi allassimasut kg.-mut 2 kr. 25 øre,

b) tarajortikkat, taratsumi aatsitaniittut, panertitat imaluunniit pujuukkat, nioqqutissat allattorsimaffianni 0210.11.11.0-imiit 0210.19.90.0 ilanngullugu kiisalu 0210.90.31.0-imiit 0210.90.39.9 ilanngullugu allassimasut kg.-mut 3 kr. 25 øre,

Nr. 16. Timmissat neqaat nutaat, nillartaartitat imaluunniit qerititat, nioqqutissat allattorsimaffianni kapitali 02.07-imi allassimasut, ilanngunnagilli tinguit, nioqqutissat allattorsimaffianni makkunani allassimasut, 0207.31.00.0, 0207.39.90.0, 0207.50.10.0 aamma 0207.50.90.0 kg.-mut 3 kr. 50 øre

Nr. 17. Nioqqutissat allat nr. 13-imiit 16-imut allassimasut, piariikkat imaluunniit aqerlortikkat,

a) savaaqqat savallu neqaannit nioqqutissiat, nioqqutissat allattorsimaffianni makkunani allassimasut, 1602.10.00.0, 1602.90.71.0.10 aanutia 1602.90.79.0.10 kg.-mut 25 kr. 00 øre.

b) nersussuit neqaannit nioqqutissiat, nioqqutissat allattorsimaffianni makkunani allassimasut, 1602.10.00.0 kiisalu 1602.50.10.1-imiit 1602.50.90.9 ilanngullugu aamma 1602.90.61.0 kiisalu 1602.90.69.0-imi kg.-mut 4 kr. 00 øre,

c) puulukit neqaannit nioqqutissiat, nioqqutissat allattorsimaffianni makkunani allassimasut, 1602.10.00.0 kiisalu 1602.41.10.1-imiit 1602.49.90.0 ilanngullugu kiisalu 1602.90.51.0-imi kg.-mut 2 kr. 00 øre.

d) pølsit suulluunniit, tamatumani ilaallutik tingummit aammillu pølsiat, nioqqutissat allattorsimaffianni kapitali 16.01-imi allassimasut kg.-mut 3 kr. 00 øre.

e) tinguiranit nioqqutissiat, nioqqutissat allattorsimaffianni 1602.20.10.0-imi aamma 1602.20.90.0-imi allassimasut kg.-mut 2 kr. 50 øre.

f) timmissanit nioqqutissiat, nioqqutissat allattorsimaffianni 1602.10.00.0-imi kiisalu 1602.31.11.0-imiit 1602.39.90.0 ilanngullugu allassimasut kg.-mut 3 kr. 50 øre.

Nr. 18. Tipigissaatit, pinnerfaatit eqqiluisaarnermullu atortut, makkuli pinnagit: qaqorsaait, kigutigissarnermut atortut, nutsanut quligutit qaqorsaataannallit, unernut tipigissaatit, taratsut uffarnermut atortut, nakkalatsiterutit kiisalu naalungiarsunnik paaqqinninnermi atortut fakturami nalingisa 38 %-iat.

Nr. 19. Knallertit, innarluutillit knallertii inunnik isumaginninnermi pisortat aqqutigalugit piniarneqarsimasut pinnagit ataaseq 2.530 kr. 00 øre.

Nr. 20. Snescooterit EF-ip EFTA-llu avataanneersut, nunanillu allanit, Kalaallit Nunaata akitsuutitaqanngitsumik niuerfiginissaanik isumaqatigiissuteqarfigisimasaasa avataaneersuneersut fakturami nalingisa 5 %-iat.

Nr. 21. Inuit biilii:

Benzinatortut fakturami nalingisa 50 %-iat, minnerpaamilli 50.000 kr.

Dieselitortut fakturami nalingisa 35 %-iat, minnerpaamilli 35.000 kr.

Qamutit motorillit allat:

Benzinatortut ataaseq 50.000 kr.

Dieselitortut ataaseq 35.000 kr.

Tamatuma saniatigut inuit biiliinut EF-ip, EFTA-p avataaneersunit nunanillu allanit Kalaallit Nunaata akitsuutitaqanngitsumik niuerfiginissaanik isumaqatigiissuteqarfigisimasaasa avataaneersuneersut ..... fakturami nalingisa 5 %-iat,

Nr. 22. Nuutit, makkulu immiussiffigineqarsimasut immiussiffigineqarsimangitsullu: kasettebandit, videobandit, videonit cd-nillu nuusiat suulluunniit fakturami nalingisa 30 %-iat

Nr. 23. Videonik pinnguaatit pinnguaatillu allat fjernsynimi, qarasaasiami monitorimiluunniit atorineqarsinnaasut, kiisalu prograramit taarserneqarsinnaasut suulluunniit fakturami nalingisa 30 %-iat,

Nr. 24. Automatit pinnguaatit assigisaallu, tamatumani ilaallutik pinnguaatit eqquissutaasinnaasut eqquissutaasinnaangitsullu fakturami nalingisa 50 %-iat

*Imm. 2.* Nioqqutissat imm. 1-imi pineqartut nalunaarutigineqarlutillu akitsuusertinneqartassapput nioqqutissanik eqqussuineq annissuinerlu pillugit Inatsisartut inatsisaanni aalajangersakkat malillugit.

**§ 2.** Nioqqutissat akitsuusigassat anniseqqinneqartussatut naatsorsuussat akitsuusernagit eqqunneqarnissaat akuersissutigineqarsinnaavoq.

*Imm. 2.* Akitsuuserneqartussaangitsunut ilaanngillat:

a) nioqqutissat umiarsuarni timmisartuniluunniit Kalaallit Nunaanni nalunaarsorneqarsimasuni imaluunniit nunanit allanit attartorneqarsimasuni atugassatut taquassatulluunniit naatsorsuussat, taakku nunat tamalaat akornanni aalajangersimasumik ilaasartaatitut aammalu nassiussanik assartuutitut ingerlaarfeqanngippata, kiisalu

b) nioqqutissat umiarsuarnut assigisaannullu Kalaallit Nunaanni nalunaarsorneqarsimasunut aammalu nunanit allanit attartorneqarsimasunut, inuttaannut ilaasuinulluunniit akitsuuteqarfiup avataani tuniniagassatut naatsorsuussat.

*Imm. 3. Nioqqutissat § 1, imm. 1, nr. 3-mi aammalu 7-miit 10-mut taaneqartut taamaallaat akitsuusernagit anniseqqinneqarsinnaapput nunat allamiut umiarsuaannut timmisartuinullu pisussaaffiit pillugit nunat tamalaat akornanni isumaqatigiissutit malillugit.*

*Imm. 4. Angallat nioqqutissanik akitsuusigassanik 500 koruunit sinnerlugit akitsuuteqartussanik usilik akitsuuteqarfiup iluani naammattoorneqarpat, imm. 2, b)-mi taaneqartutut tuniniagassatut naatsorsuussatut isigineqassapput, taamaattoqannginnera qularnaatsumik uppersarsarneqarsinnaanngippat.*

## **Kapitali 2**

### *Akitsuuserneqartusaaanngitsut*

**§ 3.** Akitsuuserneqartusaaanngitsut makkuupput:

1) Qamutit motorillit, takuuk § 1, imm. 1/ nr. 21,

- a) qatserutitut annaassiniutitullu immikkut sananeqarsimasut taamatuinnarlu atorineqartut,
- b) ambulancetut toqusunullu assartuutitut iiranikkut sananeqarsimasut taamatuinnarlu atorineqartut,
- c) sulinermi immikkut atugassatut sananeqarsimasut, sananeqaamminni assartugassanik inunnilluunniit aqqusinermi assartuutissatut naatsorsuussaaanngitsut,
- d) maskinat sulinermi atortut traktorillu,
- e) naalagaaffiit allat aallartitaqarfiit konsuuleqarfinilluunniit sulisunit tikisitanit pigineqartut.

2) Nioqqutissat,

- a) danskit sakkutuuisa imarsiortut umiarsuaannut, ukiumut qaammatit arfineq-pingasut inorlugit Kalaallit Nunaanniittunut tunineqarlutillu taakkunani atorineqartut,
- b) nunat allat aallartitaqarfiini konsuuleqarfiniluunniit sulisunut tikisitanut tunineqartut taakkunaanqalu atorineqartut,
- c) nunat allat naalagaaffisa umiarsuaanniitiinnarneqartut.

3) Taqussat pisariaqartitallu allat, umiarsuarnit timmisartunilluunniit, akitsuuteqarfiup avataaneerlutik tikittunit nassarneqartut umiarsuarmilu timmisartumiluunniit, umiarsuup timmisartulluunniit akitsuuteqarfimmut akitsuuteqarfimmilluunniit angalanerani akitsuuteqarfimmiinneranilu atugassatut naatsorsuutigineqartut, nakkutilliisitaasunit umiarsuup timmisartulluunniit qanoq ittuussusaa, sulisut ilaasullu amerlassusaat aammalu akitsuuteqarfimmiinnissaata sivilissusaa tunngavigalugit naanunaginartutut isigineqartut. Akitsuuteqanngisitsineq umiarsuarnut timmisartunullu § 2, imm. 2, a)-mi taaneqartunut atuutinngilaq.

4) Nioqqutissat misiligit, nassiussisoq akileraartarnermi pisortanit akuersissummik pisimappat.

5) Nuunnermi angalanermilu nassatat, § 1, imm. 1, nr. 22-mi 23-milu taaneqartut, inuussutissarsiutiginnissaat siunertarlugu eqqunneqanngitsut, piginnittumillu Kalaallit Nunaata avataaniinnermini sivikinnerpaamik qaammatini arfinilinni pigineqareersimasut atorineqareersimasullu.

## **Kapitali 3**

### *Pineqaatissiinerit*

**§ 4.** Inatsisartut inatsisaannik matuminnga imaluunniit Inatsisartut inatsisaat manna naapertorlugu aalajangersagaasunik unioqqutitsineq unioqqutiseriaraluarniluunniit akiliisitsinermik

kinguneqarsinnaavoq. Akiliisitsissutip angissusilerneqarnissaani maluginiarneqartassaaq aningaasatigut

iluanaarutaasimasup iluanaarutissatulluunniit siunertarineqarsimasup annertussusia. Aammattaaq apequtaatinneqartassaaq unioqutitsinerup annertussusia.

*Imm. 2.* Piaaraluni mianersuaalliorujussuarluniluunniit nioqutissanik anngiortumik eqqussanik tuniniaasoq allatulluunniit tunniussisoq, pisisoq allatulluunniit pissarsisoq, tiguisoq, angallassisoq paarisqartorluunniit imm. 1-imi taaneqartutut pineqaatissinneqartassaaq.

*Imm. 3.* Nioqutissanik akitsuusigassanik akitsuuteqarfiup avataani imaluunniit piffinni, nioqutissanik eqqussuineq annissuinerlu pillugit Inatsisartut inatsisaanni nr. 18, 30. oktober 1992-imeersumi § 19, iram. 2 naapertorlugu tamakkiisumik ilaannakortumilluunniit akitsuuteqarfiunngitsuni, nalunngilluinnaraluarlugu nioqutissat taakku akitsuuteqartinnngitsoortinniarneqassasut, tuniniaasoq tunniussisorluunniit imm. 1-imi taaneqartutut pillaaammik akiliissinneqassaaq.

*Imm. 4.* Imm. 1-3 malillugit pineqaatissiinerit nioqutissat akitsuutaannut akiliisussaaitaanermut atorunnaarsitsisinnaangillat.

*Imm. 5.* Suliffeqarfik sinnerlugu unioqutitsisoqarpat unioqutitseriartoqarpalluunniit, suliffeqarfiup piginnittua imm. 1-3 malillugit akisussaatinneqarsinnaavoq, naak piginnittoq piaaraluni mianersuaalliorluniluunniit unioqutitsinermut pisuutinneqarsinnaangikkaluatoq.

*Imm. 6.* Piginneqatigiiffit, peqatigiiffit assigisaalluunniit unioqutitsippata unioqutitseriaraluarpatalluunniit, piginneqatigiiffik peqatigiiffilluunniit imm. 1-3 malillugit akisussaatinneqarsinnaavoq.

*Imm. 7.* Kommune kommunelluunniit sullisseqataaffia unioqutitsippat unioqutitseriaraluarpalluunniit, kommune kommunelluunniit sullisseqataaffia imm. 1-3 raalillugit akisus saatinneqarsinnaavoq.

**§ 5.** Inatsisartut inatsisaannik matuminnga imaluunniit Inatsisartut inatsisaat manna naapertorlugu aalajangersagaasunik unioqutitsisoqarpat unioqutitseriaraluartoqarpalluunniit, akiliisitsisoqarnera akiliisitsisoqannginneraluunniit apequtaatinnagu, iluanaarutit pigisallu Kalaallit Nunaanni pinerlunnermut inatsimmi kapitali 31 malillugu arsaarinnissutigineqarsinnaapput.

**§ 6.** Umiarsuit timmisartulluunniit akitsuuteqarfimmut tikittut nioqutissanik akitsuusigassanik, usit nalunaarsorfianni ilanngunneqarsimanngitsunik, nassataqarpata taakkulu Akileraartarnermi Pisortaqarfimmut nalunaarutigineqarsimanngippata, nioqutissat piginnittuminnit tuniniagassatut anngiortumik eqqunneqartutut isigineqassapput, taamaattoqannginnera qularnaatsumik uppersarneqarsinnaangippat.

*Imm. 2.* Angallat akitsuuteqarfiup iluani nioqutissanik akitsuusigassanik 500 koruunit sinnerlugit akitsuuteqartussanik usilik naammattoorneqarpat, tamanna tuniniaanissamik siunertaqarluni anngiortumik eqqusseriaraluarnertut isigineqassaaq, taamaattoqannginnera qularnaatsumik uppersarneqarsinnaangippat.

**§ 7.** Angallatit nioqutissanik akitsuusigassanik anngiortumik eqqussinermi eqqusseriaraluarnermiluunniit imaluunniit akitsuuteqarfiup iluani nioqutissanik anngiortumik eqqussanik angallassinermut atorneqarsimasut, Akileraartarnermi Pisortaqarfimmit qinnutigineqarpat politiinit tigummineqarallarsinnaapput akitsuutinut, pillaatitut sullissinermilu aningaasartuutinut akiligassat, piginnittup ingerlatsisulluunniit sulisut allalluunniit sullissisut pisuussutigisaat, akilernerqarserlugit qularnaveeqquserneqarserlugilluunniit. Suliap naammassineqarneraniit qaammatit marluk

qaangiutsinnagit akiligassat akilerneqanngippata angallatip tuniniarneratigut akiitsut akilersinneqarsinnaapput.

*Imm. 2.* Tigumminnikkallarsinnaaneq taamaallaat pisinnaavoq akiligassanut qularnaveeqqutitut piumasarineqarpat. Angallat anngiortumik il.il. eqqussinermi atorineqartoq ingerlatitsisumit tillitaasimappat tigummigallarneqarsinnaanngilaq.

**§ 8.** Unioqutitsineq akitsuutip nalingata marloriaataanik annerusumik akiliisitsinermik kinguneqassanganneqanngippat, Akileraartarnermi Pisorta qarfiup unioqutitsisoq nalunaarfigisinnaavaa, pineqartoq pisuusutut nassuerpat, piffissaatitaasorlu, qinnuteqarnikkut sivitsorneqarsinnaasoq, qaangiutsinnagu akiliisinnaassuseqarpat suliassaq eqqartuussinertaqanngitsumik naammassineqarsinnaasoq.

*Imm. 2.* Umiarsuarni timmisartuniluunniit nunanut allanut angalasartuni inuttaasunut, inunnullu Kalaallit Nunaanni najugaqavissuunngitsunut tunngatillugu Akileraartarnermi Pisorta qarfik pillaatitut akiliisitsissutissanut akitsuutinullu tunngasunik aalajangiigallarsinnaavoq. Aalajangiigallarfigineqartoq, aalajangiinerup nalunaarutigineqarneraniit ullut 14-it qaangiutsinnagit, eqqartuussisunut suliassanngortitsisinnaavoq. Aalajangiinermi eqqartuussivitsigut periarfissat piffissarititaasullu pineqartumut erseqqissaatigineqassapput. Suliassap eqqartuussisunut suliassanngortinneqarnera Akileraartarnermi Pisorta qarfimmit isumagineqassaaq. Eqqartuussivimmut suliassanngortitsinermi Akileraartarnermi Pisorta qarfiup aalajangigai pineqartup malissavai, eqqartuussivitsigut aalajangiisoqarserlugu.

*Imm. 3.* Kalaallit Nunaanni eqqartuussisarnermi inatsimmi kapitali 5-imi pineqaatissiissuteqarnissamut unnerluussuteqartarnermut aalajangersagaq imm. 1-imi nalunaaruteqartarnermut taaneqartumut tunngatillugu atorineqarsinnaavoq.

*Imm. 4.* Akiliisitsissut piffissaq eqqorlugu akilerneqarpat aalajangerneqarnermiluunniit kingorna akiliisitsissutigineqarpat allatut malersorneqaqqissanngilaq.

**§ 9.** Nioqutissat anngiortumik eqqussinermi eqqusseriaraluarnermiluunniit nassatarineqartut Akileraartarnermi Pisorta qarfimmit imaluunniit Akileraartarnermi Pisorta qarfik sinnerlugu politiinit tiguneqarallartassapput. Nioqutissat anngiortumik eqqussat nioqutissalluunniit allat akitsuutaat pisortanut akilinngitsoorneqartut akilinngitsoorneqariaraluartulluunniit, pisortanit taaneqartunit tigummineqarallartussanngussapput tigusarineqarlutilluunniit, eqqartuussisarnermi inatsimmi arsaarinnissutaasariaqartunut maleruagassat aalajangerneqarsimasut tunngavigalugit.

*Imm. 2.* Nioqutissat § 1, imm. 1, nr. 3-mi aammalu 7-imiit 10-mut taaneqartut tamatigut arsaarinnissutigineqartassapput.

*Imm. 3.* Akitsuutinut pillaatitullu akiliutissat, sullissinermilu aningaasartuutit akiligassat akilerneqareerpata, nioqutissanik eqqussuinermi maleruagassat nalinginnaasut tunngavigalugit nioqutissat tigummigallarneqarsimasut arsaagaasumut inummulluunniit allamut utertitsiffigineqartussamut utertinneqassapput. Tamannali nioqutissanut § 1, iinm. 1, nr. 3-mi aammalu 7-imiit 10-mut taaneqartunut atuutinngilaq. Suliap qaammairani inaarneqarfiata naaneraniit qaammatit marluk qaangiutsinnagit nioqutissat aaneqanngippata Akileraartarnermi Pisorta qarfimmit akitsorterussinikkut nalunaarutigineqareersimasukkut Kalaallit Nunaanni ileqqusut malillugit tuniniarneqassapput. Nioqutissat Akileraartarnermi Pisorta qarfiup isumaa naapertorlugu

atorsinnaanngitsut naleqanngitsulluunniit piffissarititap qaangiunneratigut nakkutigineqaqqissaartumik suujunnaarsineqassapput. Akitsorterussinikkut isertitanit pisortanut sullissinermi, tiggumisaqarallarnermi tuniniaanermilu aningaasartuutit akilerneqassapput, taavalu eqqussinermi akitsuutitut pillaatitullu akiliisitsissutit taakkualu suliarineqarnerini aningaasartuutit akilerneqassallutik. Akitsorterussinermiit ukioq ataaseq qaangiutsinnagu piginnittoq saaffiginnippat, tunineqartunillu piginnittuunerminik uppersaasinnaappat tuniniaanermi sinneqartoorutaasimasinnaasut piginnittumut tunniunneqassapput.

#### Kapitali 4

##### *Aalajangersakkat atulersitsisuusut ikaarsaarutaasullu*

**§ 10.** Inatsisartut inatsisaat raanna ullormi 1. januar 1993-imi atuutilissaaq.

*Imm. 2.* Inatsisartut inatsisaata matuma atuutilerneratigut nioqqutissanik eqqussuineq, eqqussuinnermilu akitsuutit pillugit Inatsisartut inatsisaat nr. 1, 6. maj 1989-imeersoq atorunnaars inneqarpoq.

*Imm. 3.* Maleruagassat, Inatsisartut inatsisaat imm. 2-mi taaneqartoq tunngavigalugu aalajangersarneqarsimasut atuutiinnassapput, inatsit manna imaluunniit Inatsisartut inatsisaatigut allatigut aalajangersakkatigut taarserneqarserlugit atorunnaarsinneqarserlugilluunniit.

*Namminersornerullutik Oqartussat, ulloq 30. oktober 1992.*

Lars Emil Johansen

/

Emil Abelsen

**Namminersorlutik Oqartussat**

Imaneq 4

3900 Nuuk

E-mail: [nsninatsit@nanoq.gl](mailto:nsninatsit@nanoq.gl)

Linkit iluaqutaasussat

Kalaallit Nunaanni inatsisinut nalunaarutit

Namminersorlutik Oqartussat inatsisinut toqqorsiviat

Naalakkersuisut

